

Jeugprins Teun I en Jeugprinces Eden I

Ich, Prins Teun d'n ièsjte,
Groatvors vanaaf de haan op de kirktoare tot aan de Vroomegats,
Landjhièr van mien Zittesje residensie "De Mozaïek",
Besjermhièr van de skatebaan,
en ièjste Lego-boewer,

En ich, Prinses Eden d'n ièjste,
Vorstin van "de weag noa 't Station",
Heerserès vanaaf de skatebaan tot aan de sjoal in Oasjbik,
en Besjèrmvrouwe van de sjloekpot,

Loate uch weite en make bekènd:

Ten ièsjte:

Op Prins Jelte I, Prinses Jubien I en Narrin Sien ein driekreftig Alaaf! Eine veur jeker joar dat ze geregeerd höbbe! Alaaf, Alaaf, Alaaf!

Ten twiède:

Ozze Narreman Sjoerd, veer vinge 't sjiek om same met dich veurop te goan dizze vasteloavend!

Ten derde:

Vasteloavend zit os in 't blood. Met eine pap es groate prins, ein zus es jeugd-nar en broor es jeugdprins, zeen veer met kroan en sjteek op geboare! Geer kènt d'r van op aan dat hie 't daak d'r aaf geit met dees daag!

Ten veerde:

Sjloeke kèn ich es de bèste! Ich kèn uch neet beloave dat ich vöal goan oetgoaje met d'n optòch.

Ten vijfde:

Naeve jeugdprins bèn ich auch frikandellekeuning! Dus es de frietekar mèr boete sjteit, hoof ich neet thoes te gaon aete.

Ten zèsde:

Bie Alfa Sjsport motte ze noe zelf de bal mèr oet de goal houwte! Ich goan same mèt uch score in ozze Narretempel!

Ten zevende:

Veer zeen gaer mèt ozze sjtuntsjtep op de skatebaan. Mer vanaaf noe is `t sjteptied in ozze Narretempel: tied veur Sjpass, Tam Tam en Plezeer.

Ten achste:

Mèt dees hoage energiepries neudige veer uch oet om allemoal noa de Narretempel te komme! Dan kènne veer hie same de kachel aan make!

Ten neugende:

Veer zint blie dat de groate optoch noe auch ontbingt bie ozze Narretempel! Zoa kènne veer meteen gaas gaeve met groot en klein.

Ten tiènde:

Prins Yorick de iesjte en Narreman Lars, veer numme aan dat geer waal ein feestje kent boewe! Veer höbbe d'r zin in om d'r same mèt uch eine onvergeatelijke vasteloavend van te make.

Es lètste:

Veer sjtoan zie aan zie
vol vasteloaves-energie!
De vasteloavend is noe begos
Alle remme goan los!
Veer goan noe jumpe, sjpringe en sjtuutere, `t daak geit d'r aaf!
Veer zeen neet te sjtoppe! Sjènne, Alaaf!

Gegaeve vanoet ozze Narretempel op zondig 15 jannewarie

Alaaf! Alaaf! Alaaf!